

Қамқоршылық Кеңесінің  
құрамын бекіту туралы  
06.10.2021 ж.  
№ 581 Бұйрығының  
негізінде бекітілген



## **НҰР-СҰЛТАН ҚАЛАСЫ ӘКІМДІГІ «№91 МЕКТЕП-ГИМНАЗИЯ» ШЖҚ МКК ҚАМҚОРШЫЛЫҚ КЕҢЕСІ ТУРАЛЫ ЕРЕЖЕ**

### **1. ЖАЛПЫ ЕРЕЖЕЛЕР**

- 1.1. № 91 Мектеп-гимназияның Қамқоршылық кеңесі (бұдан әрі-ҚК) «Білім туралы» ҚР заңының 44-бабы 9-тармағына сәйкес білім беру мекемесінің өзін-өзі басқару нысаны болып табылады.
- 1.2. ҚК өз мүшелерінің еріктілігі мен тең құқылығы, өзін-өзі қаржыландыру негізінде әрекет етеді. Өз жұмысында ҚР заңнамасын, халықаралық құқықтық нормаларды және ҚК туралы Ережені басшылыққа алады.
- 1.3. ҚК негізгі мақсаты – мектептің тиімді жұмыс істеуі үшін жағдай жасау.
- 1.6. ҚК белгіленген тәртіппен жарнамалық және баспа қызметін жүзеге асыра алады, ҚК және білім беру мекемесінің жұмысы мәселелері бойынша шығарылатын басылымдарды тарата алады.
- 1.7. ҚК туралы ереже оған мектеп директоры қол қойғаннан кейін күшіне енеді.

### **2. ҚАМҚОРШЫЛЫҚ КЕҢЕСІНІҢ ҚҰРАМЫ**

2.1. ҚК құрамына мыналар кіреді:

- 1) жергілікті өкілді, атқарушы және құқық қорғау органдарының өкілдері кіреді;
- 2) жұмыс берушілер мен әлеуметтік әріптестердің өкілдері кіреді;
- 3) коммерциялық емес ұйымдардың өкілдері (бар болса);
- 4) әр параллельден мектептің бір ата-анасы;
- 5) қайырымдылық жасаушылар (бар болса).

ҚК құрамына Қазақстан Республикасының Еңбек кодексінде көзделген шектеулер негізінде психиатриялық және (немесе) наркологиялық диспансерде есепте тұрған адамдар кірмейді.

2.2. Қамқоршылық кеңес мүшелерінің саны тақ болып табылады және бір-бірімен және осы білім беру ұйымының басшысымен жақын туыстық және жекжаттық қатынастарда болмайтын кемінде тоғыз адамды құрайды. Қамқоршылық кеңес мүшелерінің өкілеттік мерзімі үш жылды құрайды.

Қамқоршылық кеңестің мүшелері осы білім беру ұйымы қызметкерлерінің штатына кірмейді.

2.3. Қамқоршылық кеңес құрамындағы Мемлекеттік органдардың өкілдері болып табылатын мүшелердің саны үш адамнан аспайды.

2.4. Қамқоршылық кеңестің отырысында ашық дауыс беру жолымен көпшілік дауыспен сайланатын (қайта сайланатын) оның төрағасы Қамқоршылық кеңестің басшысы болып табылады. Мемлекеттік органдардың өкілдерін Қамқоршылық кеңестің төрағасы сайламайды және оның міндеттерін атқармайды.

2.5. Қамқоршылық кеңестің төрағасы болмаған жағдайда, оның функцияларын Қамқоршылық құрамның құрамына кіретін мемлекеттік органдардың өкілдерін қоспағанда, Қамқоршылық кеңестің шешімі бойынша Қамқоршылық кеңес мүшелерінің бірі жүзеге асырады.

2.6. Төраға Қамқоршылық кеңестің атынан әрекет етеді және осы Ережеге сәйкес оның қызметін қамтамасыз етеді.

2.7. Қамқоршылық кеңестің хатшысы Білім беру ұйымы қызметкерлерінің қатарынан тағайындалады және қамқоршылық кеңестің мүшесі болып табылмайды.

Қамқоршылық кеңестің хатшысы Қамқоршылық кеңес отырыстарының материалдары мен хаттамаларын дайындауды, өткізуді, ресімдеуді қамтамасыз етеді.

### **3. ҚАМҚОРШЫЛЫҚ КЕҢЕС ҚЫЗМЕТІНІҢ НЕГІЗГІ МІНДЕТТЕРІ МЕН БАҒЫТТАРЫ**

3.1. Мектептің Қамқоршылық кеңесі:

1) білім беру ұйымдарының білім алушылары мен тәрбиеленушілерінің құқықтарының сақталуына, сондай-ақ мектеп шотына түсетін қайырымдылық көмектің жұмсалыуына қоғамдық бақылауды жүзеге асырады;

2) мектеп Жарғысына өзгерістер және/немесе толықтырулар енгізу туралы ұсыныстар әзірлейді;

3) мектепті дамытудың басым бағыттары бойынша ұсынымдар әзірлейді;

4) жетім балалар мен ата-анасының қамқорлығынсыз қалған балаларды казахстандық азаматтардың отбасына орналастыру мәселелері бойынша шараларды жетілдіру жөнінде ұсыныстар әзірлейді;

- 5) қайырымдылық көмек түрінде мектепке түскен қаржы қаражатын бөлуге қатысады және оны мақсатты жұмсау туралы шешім қабылдайды;
- 6) мектеп бюджетін қалыптастыру кезінде ұсыныстар әзірлейді;
- 7) тиісті саланың уәкілетті органына немесе білім беру саласындағы жергілікті атқарушы органға Қамқоршылық кеңес анықтаған мектеп жұмысындағы кемшіліктерді жою туралы ұсыныстар енгізеді;
- 8) мектеп басшысының бос лауазымына орналасуға кандидаттармен әңгімелесу қорытындысы бойынша хаттамалық шешім қабылдайды және шығарады;
- 9) мектеп басшысының мектеп қызметі туралы, оның ішінде білім беру қызметтерін сапалы көрсету туралы, қайырымдылық көмекті пайдалану және жетім балалар мен ата-анасының қамқорлығынсыз қалған балаларды қазақстандық азаматтардың отбасына орналастыру бойынша қабылданатын шаралар туралы есептерін тыңдайды;
- 10) мектеп қызметінің мәселелері бойынша конференцияларға, кеңестерге, семинарларға қатысады; ;
- 11) мектеп қызметімен, білім алушылар мен мектеп тәрбиеленушілеріне берілген жағдайлармен танысады, мектеп психологының қатысуымен олармен әңгіме өткізеді.

#### **4. ҚАМҚОРШЫЛЫҚ КЕҢЕСТІҢ ЖҰМЫСЫН ҰЙЫМДАСТЫРУ ЖӘНЕ ОНЫҢ ТӘРТІБІ**

- 4.1. Қамқоршылық кеңестің отырысын оның төрағасы өз бастамасы бойынша, Қамқоршылық кеңес мүшелерінің жалпы санының үштен екісінің бастамасы бойынша шақырады.
- 4.2. Қамқоршылық кеңестің отырысын шақыру туралы хабарламаға Қамқоршылық кеңестің төрағасы қол қояды және қамқоршылық кеңес жұмыс істейтін қамқоршылық кеңес пен білім беру ұйымының мүшелеріне қажетті материалдармен бірге отырыс өткізілетін күнге дейін жеті жұмыс күнінен кешіктірілмейтін мерзімде жіберіледі.  
Хабарламада отырыстың өткізілетін күні, уақыты және орны қамтылады.  
Хабарламаға баяндамашы көрсетіле отырып, отырыстың күн тәртібі, аталған мәселелерді күн тәртібіне енгізу уәждерін көздейтін анықтамалық материалдар, Қамқоршылық кеңестің мүшелеріне отырысқа ұсынылатын қажетті құжаттар қоса беріледі.
- 4.3. Қамқоршылық кеңестің отырысын өткізу туралы хабарлама алған Қамқоршылық кеңестің мүшесі ол өткізілетін күнге дейін бір жұмыс күнінен кешіктірмей Қамқоршылық кеңестің хатшысына өзінің қатысқаны немесе қатыспағаны туралы хабарлайды.

4.4. Қамқоршылық кеңестің төрағасы шақыру туралы ұсыныс келіп түскен күннен бастап бес жұмыс күнінен кешіктірмей Қамқоршылық кеңестің отырысын шақырады.

4.5. Қамқоршылық кеңестің отырыстары қажеттілігіне қарай, бірақ тоқсанына кемінде бір рет өткізіледі.

Қазақстан Республикасы Білім және ғылым министрлігі Білім және ғылым саласындағы бақылау комитетінің аумақтық департаменттерінің өкілдері оның отырыстарына дауыс беру құқығынсыз байқаушы ретінде қатысуға жіберіледі.

4.6. Егер қамқоршылық кеңестің барлық мүшелері оның өткізілетін уақыты мен орны туралы хабардар етілсе және отырысқа оның мүшелерінің жалпы санының кемінде үштен екісі қатысса, Қамқоршылық кеңестің отырысы заңды болып табылады. Қамқоршылық кеңес мүшесінің өз дауысын Қамқоршылық кеңестің басқа мүшесіне не сенімхат бойынша адамға беруіне жол берілмейді.

4.7. Білім беру ұйымы Қамқоршылық кеңесінің әрбір мүшесі дауыс беру кезінде оны беру құқығынсыз бір дауысқа ие болады.

4.8. Қамқоршылық кеңестің шешімі оған қатысқан мүшелердің көпшілік дауысымен ашық дауыс беру арқылы қабылданады. Дауыстар тең болған кезде Қамқоршылық кеңестің төрағасы, ал ол болмаған жағдайда Қамқоршылық кеңестің төрағасы функцияларын жүзеге асыратын адам дауыс берген шешім қабылданады.

4.9. Қамқоршылық кеңестің шешімі хаттамамен ресімделеді, оған отырысқа қатысқан Қамқоршылық кеңестің барлық мүшелері қол қоюға тиіс.

4.10. Хаттама Қамқоршылық кеңестің отырысы өткізілгеннен кейін үш жұмыс күнінен кешіктірілмейтін мерзімде тиісті саланың уәкілетті органына немесе білім беру саласындағы жергілікті атқарушы органға жіберіледі.

4.11. Тиісті саланың уәкілетті органы немесе білім беру саласындағы жергілікті атқарушы орган Қамқоршылық кеңес қабылдаған шешімдер туралы ақпаратты өзінің интернет-ресурсында орналастырады.

4.12. Білім беру ұйымына қайырымдылық көмек ерікті түрде өтеусіз негізде көрсетіледі және осы Қағидаларда көзделген тәртіппен Қамқоршылық кеңестің шешімі бойынша ғана жұмсалады.

4.13. Білім беру ұйымы қабылдаған қайырымдылық көмектен түсетін кез келген түсімдер:

1) мемлекеттік мекеме ұйымдық – құқықтық нысанында құрылған білім беру ұйымдары үшін-Қазақстан Республикасының бюджет заңнамасына сәйкес бюджетті атқару жөніндегі уәкілетті органның аумақтық

бөлімшесінде ашылған қайырымдылық көмектің қолма-қол ақшаны бақылау шоты; ;

2) Өзге ұйымдық – құқықтық нысандарда құрылған білім беру ұйымдары үшін-екінші деңгейдегі банкте ашылған шот.

4.14. Қайырымдылық көмектен түсетін түсімдер мынадай мақсаттарға жұмсалады:

1) білім беру ұйымдарының білім алушылары мен тәрбиеленушілерін әлеуметтік қолдау;

2) білім беру ұйымдарының материалдық-техникалық базасын жетілдіру;

3) спортты дамыту, дарынды балаларды қолдау;

4) мемлекеттік жалпы білім беру стандарттарының талаптарынан тыс білім беру процесін ұйымдастыруға арналған шығыстарды жүзеге асыру.

4.15. Білім беру ұйымы жыл сайын қаржы жылының қорытындылары бойынша осы білім беру ұйымының, тиісті саланың уәкілетті органының, білім беру саласындағы жергілікті атқарушы органның интернет-ресурсында тиісті есепті орналастыру арқылы қайырымдылық көмек қаражатын пайдалану және оның қозғалысы жөніндегі қызметтің нәтижелері туралы жұртшылықты хабардар етеді.

## **5. ҚАМҚОРШЫЛЫҚ КЕҢЕСТІҢ ЖҰМЫСЫН ТОҚТАТУ**

5.1. Қамқоршылық кеңестің жұмысын тоқтату:

1) тиісті саланың уәкілетті органының немесе білім беру саласындағы жергілікті атқарушы органның бастамасы бойынша жүзеге асырылады;

2) білім беру ұйымын тарату және қайта ұйымдастыру кезінде.

5.2. Қамқоршылық кеңестің мүшесі Қамқоршылық кеңестің құрамынан шығарылады:

1) жеке бастамасы бойынша;

2) отырыстарда дәлелсіз себептермен қатарынан үш реттен артық болмауы себебінен жол берілмейді.

Үтітелген және нөмірленген

( 5 ) бет

Мектеп директоры

